



Projekat finansira
Evropska unija

**Regionalni program lokalne demokratije na Zapadnom Balkanu
ReLOaD 2**



**Smjernice za podnosiocce prijava
u sklopu poziva za učešće u projektu
Regionalni program lokalne demokratije na Zapadnom
Balkanu (ReLOaD 2)**

Sadržaj

1.	Uvodne informacije	3
1.1.	Šta je ReLOaD?.....	3
1.2.	Cilj poziva za podnošenje prijave.....	4
1.3.	Koje JLS se mogu prijaviti na ovaj direktni poziv?	4
1.4.	Zašto bi JLS trebale biti zainteresirane za učešće u projektu?	4
2.	Kriteriji za odabir partnerskih JLS za Grupu 1	5
2.1.	Pregled i pojašnjenje kriterija	5
	Eliminatorni kriteriji.....	6
	Kriteriji za usklađivanje.....	8
3.	Način prijave i postupak evaluacije	8
3.1.	Način prijave	8
3.2.	Postupak evaluacije	8
4.	Obavijest o odluci i odabiru ReLOaD 2 partnerskih JLS	9
5.	Adresa za prijavu i upiti	10
6.	Lista prateće dokumentacije	10

1. Uvodne informacije

1.1. Šta je ReLOaD?

Regionalni program lokalne demokratije na Zapadnom Balkanu 2 (ReLOaD 2) provodi Razvojni program Ujedinjenih nacija (UNDP) u šest IPA korisnica i to: Albaniji, Bosni i Hercegovini (BiH), Crnoj Gori, Kosovu*, Sjevernoj Makedoniji i Srbiji. Projekat je sa realizacijom počeo 1. januara 2021. godine i tokom naredne 4 godine ima za cilj jačanje participativne demokratije i EU integracija na Zapadnom Balkanu osnaživanjem civilnog društva i mladih da aktivno učestvuju u donošenju odluka te unapređenjem poticajnog pravnog i finansijskog okruženja za organizacije civilnog društva (OCD).

ReLOaD 2 je nastavak EU-UNDP partnerstva i prethodno podržane inicijative – ReLOaD 1², provedene u periodu od 2017-2020. godine, a koja se temeljila na prethodnim naporima ostvarenim putem druge inicijative podržane od strane EU - Projekt jačanja lokalne demokratije (LOD 2009-2016.)³. Ukupna vrijednost ReLOaD 2 projekta je 15,06 miliona američkih dolara, a finansira ga Evropska unija (EU) u iznosu od 13,53 američkih dolara, iz Instrumenta za prepristupnu pomoć, dok će ostatak sufinansirati UNDP uredi koji djeluju u IPA korisnicama i partnerske jedinice lokalne samouprave (JLS). Vrijednost projektne komponente u BiH je 4,40 miliona američkih dolara.

Namjera projekta je da osigura održiv i transparentan, razvojno orijentiran, projektni pristup finansiranju OCD projekata iz budžeta JLS koji doprinosi ostvarivanju lokalnih prioriteta u skladu sa strategijama razvoja. Projekat će se fokusirati na institucionalizaciju odnosa između JLS i OCD, uz jačanje kapaciteta obje strane, kako bi uvidjeli prednosti partnerstva. Posebna pažnja biće posvećena radu sa mladima, rodnoj jednakosti i promociji intervencija koje uvažavaju princip multietničnosti u svim ciljevima i aktivnostima. Predviđeno je da će ReLOaD 2 tokom 48 mjeseci sarađivati sa minimalno 12 JLS u BiH.

Partnerske JLS će se sastojati od dvije grupe JLS:

- Grupa 1: JLS koje su već učestvovala u ReLOaD projektu ili u jednoj od četiri faze projekta Jačanje lokalne demokratije/demokratije - LOD. ReLOaD 2 će iz ove grupe JLS odabrati minimalno 7 JLS. Za JLS iz grupe 1 će se uputiti direktni zahtjev da izraze interesovanje i podnesu prijavu.
- Grupa 2: JLS koje nisu do sada učestvovala u projektima ReLOaD 1 i LOD. Iz ove grupe JLS će se odabrati minimalno 5 JLS za učešće u ReLOaD 2 projektu. Za JLS iz grupe 2 će biti objavljen javni poziv na koji će se moći prijaviti sve JLS iz BiH koje do sada nisu učestvovala u ReLOaD 1 ili LOD projektu.

* Za Evropsku uniju, ovo imenovanje ne dovodi u pitanje stav o statusu i u skladu je s UNSCR 1244/1999 i Mišljenjem ICJ-a o proglašenju nezavisnosti Kosova. Za UNDP sve reference na Kosovo shvatit će se u kontekstu UN-ove Rezolucije 1244/1999

² http://www.ba.undp.org/content/bosnia_and_herzegovina/en/home/operations/projects/poverty_reduction/regional-programme-on-local-democracy-in-the-western-balkans--re.html

³ Projekat jačanje lokalne demokratije (LOD) implementiran od strane Razvojnog programa Ujedinjenih naroda (UNDP), LOD projekat radio je na jačanju inkluzivnosti i transparentnosti finansiranja lokalnih vlasti za organizacije civilnog društva. Uveo je konkurentno finansiranje zasnovano na projektima, potičući organizacije civilnog društva na profesionalizaciju i pružanje specifičnih usluga u skladu sa lokalnim razvojnim prioritetima.

1.2. Cilj poziva za podnošenje prijava

Cilj poziva je odabir minimalno 7 partnerskih JLS u BiH, iz prethodno pojašnjene Grupe 1, kojim će se pružiti podrška da unaprijede već postojeći projektni pristup finansiranja OCD. Ovaj proces će doprinijeti jačanju participativne demokratije i EU integracija na Zapadnom Balkanu, te osnažiti civilno društvo da aktivnije učestvuje u procesima donošenja odluka na lokalnom nivou.

1.3. Koje JLS se mogu prijaviti na ovaj direktni poziv?

Učešće u ovom pozivu mogu uzeti slijedećih 45 JLS (poredano po abecednom redu):

- | | | |
|--------------------|---------------------|--------------------|
| 1. Berkovići | 16. Gradiška | 31. Prijedor |
| 2. Bihać | 17. Kakanj | 32. Rudo |
| 3. Bosanska Krupa | 18. Ključ | 33. Sokolac |
| 4. Bratunac | 19. Kotor Varoš | 34. Srbac |
| 5. Brod | 20. Kozarska Dubica | 35. Srebrenik |
| 6. Bugojno | 21. Laktaši | 36. Šamac |
| 7. Cazin | 22. Livno | 37. Široki Brijeg |
| 8. Centar Sarajevo | 23. Lukavac | 38. Šekovići |
| 9. Čapljina | 24. Ljubinje | 39. Velika Kladuša |
| 10. Derventa | 25. Ljubuški | 40. Visoko |
| 11. Domaljevac | 26. Modriča | 41. Vitez |
| 12. Foča | 27. Mrkonjić Grad | 42. Vogošća |
| 13. Gračanica | 28. Novi Grad | 43. Zavidovići |
| 14. Grad Sarajevo | 29. Novo Sarajevo | 44. Zenica |
| 15. Gradačac | 30. Pale | 45. Zvornik |

1.4. Zašto bi JLS trebale biti zainteresirane za učešće u projektu?

Učešće u ReLOaD 2 projektu će omogućiti JLS:

- Značajnu finansijsku podršku za projekte OCD koji će se provoditi na teritoriji partnerskih JLS i koji će odgovoriti na potrebe građana u lokalnoj zajednici;
- Tehničku podršku za unapređenje procesa dodjele sredstava za OCD i nastavak primjene LOD Metodologije za dodjelu sredstava za organizacije civilnog društva;⁴

⁴ LOD metodologija predstavlja set dokumenata i alata za finansiranje OCD iz budžetskih sredstava JLS. Ovaj pristup se zasniva na upravljanju projektnim ciklusom a dokumenti kao što su projektni prijedlog, logička matrica, prijedlog budžeta, plan aktivnosti i sl., čine integralni dio ove metodologije. LOD metodologija ima za cilj da usmjeri općinsku potrošnju namijenjenu OCD na prioritete potrebe zajednice. Utemeljena je na najboljim praksama Evropske unije i ima na konkurentnosti zasnovan projektni pristup isplati javnih sredstava za OCD. Metodologija služi kao korisno sredstvo lokalnim vlastima za unapređenje lokalne demokratije kroz transparentnost i inkluzivnost u donošenju odluka. Do sada je ukupno 53 JLS u BiH usvojilo LOD metodologiju. Vlada FBiH je donijela Odluku o usvajanju metodologije za transparentno finansiranje projekata organizacija civilnog društva po standardima Europske unije 13.marta 2014. godine a Ministarstvo uprave i lokalne samouprave Republike Srpske je donijelo 20. maja 2014. godine preporuku za korištenje LOD metodologije. Kompletan tekst LOD metodologije je dostupan na: http://www.ba.undp.org/content/bosnia_and_herzegovina/bs/home/library/poverty/lod-methodology-for-allocation-of-funds-to-civil-society-organiz.html

Smjernice za podnosiocje prijava u sklopu poziva za učešće u projektu Regionalni program lokalne demokratije na Zapadnom Balkanu (ReLOaD 2)

- Izgradnju i unapređenje OCD kapaciteta u lokalnoj zajednici;
- Izgradnju i unapređenje kapaciteta JLS predstavnika koja će biti zasnovana na procjeni potreba;
- Regionalno umrežavanje i razmjena iskustava sa drugim JLS iz 5 IPA korisnica u kojim se ReLOaD 2 provodi;
- Promociju svojih dobrih praksi i procedura na nivou cijele BiH ali i u regionu Zapadnog Balkana;
- Rad na većem građanskom učešću u donošenju odluka;
- Veći angažman u oblasti podrške mladima;
- Saradnja kroz primjenu različitih aplikacija i tehnologija;
- Podršku projektima OCD koji pružaju kvalitetne i raznovrsne usluge u skladu sa lokalnim strateškim razvojnim planovima.

Na ovaj način će partnerske JLS unaprijediti svoj rad, postati još efikasnije i efektivnije u pružanju usluga građanima te dodatno doprinijeti boljim razvojnim rezultatima.

2. Kriteriji za odabir partnerskih JLS za Grupu 1

Odabir minimalno 7 JLS će se vršiti na osnovu sljedećih kriterija:

- **eliminatorski kriteriji** – ispunjenje ovih kriterija se smatra preduslovom za učešće u projektu. JLS koje se prijavljuju trebaju ispuniti sve eliminatorske kriterije. Prijave JLS koje ne ispune ove kriterije **neće biti dalje razmatrane**,
- **osnovni kriteriji** – primjenom ovih kriterija će se vršiti bodovanje i rangiranje prijavljenih JLS. Dodjela bodova će se vršiti u skladu sa matricom za bodovanje,
- **kriteriji za usklađivanje** – predstavljaju dodatne aspekte koji se ne boduju, ali se uzimaju u obzir prilikom konačnog odabira partnerskih JLS.

2.1. Pregled i pojašnjenje kriterija

ELIMINATORNI KRITERIJI
JLS je samo jednom učestvovala u jednom od dva projekta: Jačanje lokalne demokratije – LOD ili Regionalni program lokalne demokratije na Zapadnom Balkanu – ReLOaD
JLS je usvojila LOD metodologiju za dodjelu sredstava organizacijama civilnog društva (LOD metodologiju) ili drugi pravni okvir za finansiranje OCD koji je usklađen sa principima LOD metodologije
JLS se obavezuje da će sufinansirati projekte OCD u iznosu od najmanje 20% ukupno plasiranih sredstava u toj lokalnoj zajednici u okviru ReLOaD 2 projekta
JLS se obavezuje da će objavljivati javne pozive za dodjelu sredstava za OCD na projektnoj osnovi (primjenom LOD metodologije) tokom 2022., 2023. i 2024. godine

Smjernice za podnosiocje prijave u sklopu poziva za učešće u projektu
Regionalni program lokalne demokratije na Zapadnom Balkanu (ReLOaD 2)

OSNOVNI KRITERIJI	Maksimalan broj bodova
1. Finansijska izdvajanja za OCD	40
2. Primjena LOD metodologije	25
3. Saradnja JLS sa OCD i mladima	25
4. Veći procenat sufinansiranja	10
UKUPNO	100

Eliminatorni kriteriji

1. JLS je samo jednom učestvovala u jednom od dva projekta: Jačanje lokalne demokratije – LOD ili Regionalni program lokalne demokratije na Zapadnom Balkanu – ReLOaD

Direktni poziv će se fokusirati isključivo na JLS koje su prethodno jednom učestvovala u jednom od dva projekta – LOD ili ReLOaD. Ovim se žele dodatno osnažiti JLS, koje su učestvovala u ovim projektima i podržati ih u njihovom opredjeljenju da transparentno dodjeljuju sredstva za OCD i unaprijede svoje prakse saradnje sa OCD.

2. JLS je usvojila LOD metodologiju za dodjelu sredstava organizacijama civilnog društva (LOD metodologiju) ili drugi pravni okvir za finansiranje OCD koji je usklađen sa principima LOD metodologije

Uz prijavu je potrebno priložiti prateću dokumentaciju koja ukazuje da JLS ispunjava ovaj kriterij npr. odluku o usvajanju transparentnog pristupa finansiranja projekata OCD (LOD metodologiju), pravilnike ili druge postojeće pravne akte koji su na snazi, a kojima se reguliše finansiranje OCD.

3. JLS se obavezuje da će sufinansirati projekte OCD u iznosu od najmanje 20% ukupno plasiranih sredstava u okviru ReLOaD 2 projekta

Tokom trajanja projekta, ReLOaD 2 će objaviti ukupno tri javna poziva za OCD u svakoj partnerskoj JLS. JLS se obavezuje da će sufinansirati odobrene projekte u minimalnom procentu od 20% ukupno plasiranih sredstava u toj JLS. Partnerske JLS će imati mogućnost da sufinansiraju projekte u većem procentu od obaveznog što će se dodatno bodovati kroz osnovne kriterije.

4. JLS se obavezuje da će objavljivati javne pozive za dodjelu sredstava za OCD na projektnoj osnovi (primjenom LOD metodologije) tokom 2022, 2023 i 2024. godine koji su finansirani JLS sredstvima

Odabrane JLS će biti u obavezi da objave javne pozive zasnovane na principima LOD metodologije u 2022. 2023. i 2024. godini za OCD projekte. Ovo su javni pozivi koji će biti finansirani isključivo iz JLS budžeta, ReLOaD 2 projekat će pružiti tehničku podršku u pripremi javnih poziva i nadzirat će njihovu provedbu.

Osnovni kriteriji

Finansijska izdvajanja za OCD

U okviru ovog kriterija bodovati će se prosječan iznos ukupnog budžeta (izražen u procentima) koji je JLS dodijelila za OCD te prosječan procenat sredstava koji je JLS transparentno, javno i uz postojanje jasnih kriterija dodijelila OCD (primjenom principa LOD metodologije).⁵ Referentni vremenski period za ovaj kriterij će biti 2017., 2018. i 2019. godina. Pored toga, u okviru ovog kriterija, bodovat će se i dodjela sredstava za OCD u 2020. godini odnosno posmatrat će se da li je u ovoj godini došlo do zadržavanja, povećanja i smanjena procenta sredstava koji se dodjeljuje za OCD u odnosu na ukupan JLS budžet.

Maksimalni broj bodova koje JLS može da ostvari po osnovu ovog kriterija iznosi 40.

Primjena LOD metodologije

Prilikom verifikacije ovog kriterija radit će se procjena primjene LOD metodologije u JLS odnosno objava javnih poziva za OCD sa jasno utvrđenim i transparentnim kriterijima za odabir projektnih prijedloga. S tim u vezi, fokus će biti na sastavu komisije za odabir projektnih prijedloga u JLS, načinu odabira OCD člana u ovoj komisiji, postojanju sistema izvještavanja od strane OCD prema JLS (ovdje će se posmatrati formalizacija, dinamika i priroda izvještavanja) te procedure koje se primjenjuju za praćenje (monitoring) provedbe projekata OCD te način na koji se vrši monitoring u praksi.

Maksimalni broj bodova koje JLS može da ostvari po osnovu ovog kriterija iznosi 25.

Saradnja JLS sa OCD i mladima

Ovim kriterijem se ocjenjuje stepen i način saradnje JLS sa OCD i mladima. JLS treba da navede postojeće modele saradnje sa OCD i da pokaže da koristi OCD servise i posebno da je koristila usluge i servise u cilju prevazilaženja posljedica izazvanih COVID – 19 pandemijom. Ukoliko JLS ima usvojenu lokalnu razvojnu strategiju/plan, u kojoj su lokalni razvojni prioriteti identificirani na participatoran način, potrebno je pojasniti kako su OCD bile uključene u izradu tog dokumenta odnosno definiranje prioriteta za rješavanje potreba zajednice. Pored toga, posmatrat će se različiti elementi saradnje JLS sa mladima između ostalog postojanje politike/strategije za mlade, dodjela grantova za mlade te formiranje komisije za mlade pri općinskom vijeću/skupštini opštine. Okviru ovog kriterija posmatrat će se i primjena principa rodne ravnopravnosti u praksi i procedurama JLS.

Maksimalni broj bodova koje JLS može da ostvari po osnovu ovog kriterija iznosi 25.

Veći procenat sufinansiranja projekata OCD koji se budu provodili na teritoriji JLS u okviru ReLOaD 2 projekta

Opredijeljenost JLS da sufinansira projekte OCD u iznosu većem od 20% od ukupnih sredstava dodijeljenih u okviru projekta ReLOaD 2, će se dodatno bodovati.

Maksimalni broj bodova koje JLS može da ostvari po osnovu ovog kriterija iznosi 10.

⁵ U sredstva koja je JLS dodijelila za OCD se ubrajaju sva sredstva dodijeljena za sljedeće kategorije civilnog društva – udruženja građana, sportske organizacije i udruženja, organizacije i udruženja proistekla iz prethodnih ratova. U sredstva za OCD se NE ubrajaju sredstva koja se dodjeljuju humanitarnim organizacijama (Crveni krst/križ, narodne kuhinje, Merhamet i druge), Dobrovoljnom vatrogasnom društvu, političkim strankama, vjerskim zajednicama i pojedincima.

Kriteriji za usklađivanje

Razvijenost civilnog društva u lokalnoj zajednici

Obzirom na ulogu koju će OCD imati na ovom projektu, u okviru ovog kriterija će se posmatrati razvijenost civilnog društva u lokalnoj zajednici odnos ukupan broj registrovanih i posebno broj aktivnih OCD u lokalnoj zajednici. Pored toga, posmatrat će se i prisutnost aktivnih omladinskih organizacija u lokalnoj zajednici.

Učešće JLS u drugim projektima

Prilikom odabira partnerskih JLS, uzeće se u obzir prethodna iskustva JLS i učešće u drugim projektima UNDP-a i/ili projektima finansiranim od strane EU ili programa Prekogranične saradnje (npr. ROMACTED). Primjena ovog kriterija poboljšat će efekte i rezultate u zajednicama, te maksimizirati projektom predviđene rezultate.

Geografska rasprostranjenost partnerskih JLS

Kroz ovaj kriterij će se osigurati uticaj projekta na široj teritoriji BiH, geografska i proporcionalna zastupljenost JLS i građana iz oba entiteta.

3. Način prijave i postupak evaluacije

3.1. Način prijave

Sve JLS koje ispunjavaju eliminatorne kriterije Direktnog poziva, interes za učešće u ReLOaD 2 projektu trebaju izraziti dostavljanjem **Prijavnog obrazaca i Pisma namjere (Prilog 1)** te odgovarajuće prateće dokumentacije kako je pojašnjeno u dijelu 6. ovih Smjernica. **Prilikom bodovanja vodiće se računa o usklađenosti odgovora navedenih u Prijavnom obrascu sa dostavljenom pratećom dokumentacijom.**

Podnosioci prijava treba da se pridržavaju formata Prijavnog obrasca i u skladu s tim dostave tražene informacije.

Dakle, prijavni dokumenti JLS se sastoje od:

- Ispunjenog Prijavnog obrasca sa izvorima verifikacije koji potkrepljuju prijavu, u skladu sa listom navedenom u dijelu 6. ovih Smjernica;
- Pisma namjere, koje uključuje sve neophodne elemente, kao što je navedeno u Prilogu 1 ovih Smjernica.

3.2. Postupak evaluacije

Postupak evaluacije JLS prijava za učešće u Direktnom pozivu će provesti UNDP BiH u tri faze:

Faza bodovanja JLS prijava

Evaluaciju zaprimljenih prijava će raditi komisija sačinjena od članova ReLOaD 2 projekta. U ovoj fazi će biti izvršena evaluacija i bodovanje dostavljenih prijava JLS na osnovu koje će se napraviti preliminarno rangiranje prijava. Za bodovanje će se koristiti matrica za bodovanje (Prilog 2).

Faza verifikacije

Ukoliko se ukaže potreba, odnosno ukoliko se prilikom bodovanja pojave određene nejasnoće, JLS će biti dodatno kontaktirane kako bi se navodi u prijavnim obrascima dodatno verificirali. Verifikacija će se vršiti slanjem zahtjeva za pojašnjenima te traženjem dodatnih izvora verifikacije ili zakazivanjem pojedinačnih sastanaka sa JLS predstavnicima. Komisija će po prijemu dodatnih informacija uraditi finalno bodovanje prijave te svoje preporuke prosljediti višem menadžmentu UNDP-a a onda Partnerskom odboru na odobrenje.

Faza potvrde konačne rang liste


Tokom treće faze evaluacije, Partnerski odbor će utvrditi konačnu rang listu JLS i donijeti konačnu odluku. Partnerski odbor čine predstavnici Delegacije EU u BiH, Ministarstva pravde BiH, Federalnog ministarstva pravde, Ministarstva uprave i lokalne samouprave Republike Srpske (RS), UNDP-a, jedan predstavnik civilnog društva u BiH u svojstvu glasača te predstavnici Saveza općina i gradova Federacije BiH, Saveza opština i gradova RS i projekta Tehnička podrška organizacijama civilnog društva-TACSO BiH u svojstvu posmatrača.

4. Obavijest o odluci i odabiru ReLOaD 2 partnerskih JLS

Konačna lista odabranih partnerskih JLS će biti zvanično objavljena na web stanici UNDP-a, <http://www.ba.undp.org/> kao i na web stranicama entitetskih saveza općina/opština i gradova: www.sogfbih.ba, www.alvrs.com u roku od 4 sedmice po isteku poziva. Pozivaju se sve prijavljene JLS da prate objave na navedenim stranicama ali i na društvenim mrežama pomenutih organizacija. ReLOaD 2 projekat će obavjestiti odabrane JLS. Cjelokupni proces odabira i informisanja JLS je prezentiran u grafikonu ispod.

Odabir partnerskih JLS

1



5. Adresa za prijavu i upiti

Pozivaju se sve zainteresovane JLS u BiH koje zadovoljavaju eliminatorne kriterije da učestvuju u otvorenom i konkurentskom procesu odabira minimalno 7 partnerskih JLS za učešće u ReLOaD 2 projektu. JLS koje se prijavljuju na poziv, dužne su dostaviti tražene dokumente za prijavu kako je naglašeno u Smjernicama.

Svoje prijave JLS trebaju dostaviti u **jednom štampanom primjerku i u elektronskoj formi** (CD ili USB). Pozivaju se sve JLS da u cilju očuvanja okoliša što više prateće dokumentacije dostave u elektronskom obliku. Prijave se trebaju dostaviti putem preporučene pošte ili lično na sljedeću adresu:

UNDP BiH
Regionalni program lokalne demokratije na Zapadnom Balkanu (ReLOaD 2)
Zgrada Ujedinjenih nacija
Zmaja od Bosne bb
71000 Sarajevo
Bosna i Hercegovina

Prijave za učešće, u skladu sa ovim Pozivom i pripadajućim Smjernicama trebaju biti dostavljene najkasnije do 12. aprila 2021. godine u 17.00 sati. Prijave koje stižu poštom, trebaju imati poštanski žig koji potvrđuje da je prijava poslana u okviru navedenog roka.

Prijave podnesene na druge načine (npr. faks ili e-maila) **neće biti uzete u razmatranje.**

Dodatne informacije, elektronska verzija Smjernica i prijavnih dokumenta su dostupni na sljedećim web adresama: www.ba.undp.org, www.sogfbih.ba, www.alvrs.com.

Za dodatne informacije i objašnjenja, upit je potrebno poslati na adresu registry.ba@undp.org sa naznakom ReLOaD 2 projekat u naslovu. Odgovori će biti dostavljeni u pisanoj formi najkasnije u roku od 3 radna dana nakon prijema upita.

Informativne sesije o javnom pozivu će se održati putem ZOOM platforme 23. marta, 30. marta i 06. aprila 2021. godine, a poziv za ove sesije će biti objavljen na gore navedenim stranicama.

6. Lista prateće dokumentacije

Molimo sve zainteresovane JLS da prateću dokumentaciju uz Prijavni obrazac adekvatno označe kako bi se tačnije i lakše izvršilo bodovanje. Ukoliko neki priloženi dokument predstavlja izvor verifikacije (potvrdu) za više pitanja, nije potrebno da se prilaže više puta ali je neophodno na samom dokumentu navesti reference za sva pitanja na koja se isti odnosi. Samo oni odgovori koju budu imali odgovarajuću prateću dokumentaciju odnosno izvore verifikacije će biti uzeti u razmatranje i adekvatno bodovani.

a. Prateća dokumentacija za eliminatorne kriterije

- Odluka o usvajanju metodologije za transparentno finansiranje OCD projekata (LOD metodologija), pravilnik ili drugi pravni akti koji uređuju oblast dodjele sredstava za OCD;
- Pismo namjere o sufinansiranju projekata OCD u iznosu od najmanje 20% ukupno plasiranih sredstava u toj lokalnoj zajednici u okviru ReLOaD 2 projekta i o objavi javnih poziva u 2022., 2023. i 2024 godini (Prilog 1).

b. Prateća dokumentacija za osnovne kriterije

- kopija JLS budžeta za 2017., 2018. i 2019. godinu sa tačno označenim stavkama za OCD;
- kopija tekstova javnih poziva provedenih po principima metodologije za transparentno finansiranje OCD projekata (LOD metodologije) za 2017., 2018. i 2019. godinu;
- odluke o finansiranju OCD projekata donesenih u okviru javnih poziva za sve javne pozive koje je u jednoj godini JLS objavila po projektnom pristupu odnosno primjenjujući principe LOD metodologije. Ove odluke je neophodno dostaviti za 2017., 2018., 20-19. i 2020.godinu. U odlukama je neophodno da su navedeni iznosi koji će se dodijeliti odabranim OCD;
- kopija dokumenata (odluka ili rješenje) o uspostavljanju komisije za evaluaciju projekata; Ukoliko u odluci/rješenju nije naznačeno na kojoj poziciji i u kojoj službi je član komisije zaposlen, neophodno je pojasniti to u prijavnom obrascu.
- kopija odluke o imenovanju i načinu izbora predstavnika civilnog društva u komisiju za evaluaciju projekata ili neki drugi dokument kojim se može verifikovati način izbora OCD člana (zapisnik sa održane rasprave, i slično);
- obrazac za finansijsko izvještavanje (prazan);
- obrazac za programsko izvještavanje (prazan);
- kopija finansijskog izvještaja koji je dostavila OCD – periodični i finalni;
- kopija programskog izvještaja koji je dostavila OCD - periodični i finalni;
Kako bi se utvrdila jasna dinamika izvještavanja neophodno je dostaviti sve izvještaje od jedne te iste organizacije i to programski (periodični i finalni) i finansijski (periodični i finalni);
- kopija dokumenta o uspostavljanju tima za monitoring na nivou JLS
- obrazac monitoring izvještaja koji JLS koristi prilikom monitoring posjeta;
- kopija popunjenog monitoring izvještava za dvije različite organizacije;
- dokument kojim se mogu utvrditi posjete manifestacijama i drugim događajima koje OCD organizuju (npr. zabilješka ili zapisnik sa prisustva događaju, OCD izvještaj u kojem je navedeno prisustvo JLS predstavnika na događaju, objave na službenim stranicama JLS i OCD ili drugim medijima);
- evidencija OCD u JLS;⁶
- evidencija omladinskih organizacija;
Ukoliko su omladinske organizacije uključene u evidenciju svih OCD koja će se dostavljati u okviru prethodne stavke, ta evidencija će se smatrati kao izvor verifikacije i za omladinske organizacije;
- kopija Strategije razvoja u **elektronskom obliku**;

⁶ Pod pojmom evidencija aktivnih OCD smatra se svaka zvanična evidencija (u Wordu ili Excelu ili drugom obliku) OCD sa kontakt podacima i eventualno osnovnim poljem djelovanja

Smjernice za podnosiocje prijava u sklopu poziva za učešće u projektu
Regionalni program lokalne demokratije na Zapadnom Balkanu (ReLOaD 2)

- dokument koji pokazuje da su i OCD bile uključene u razvoj strategije (Odluka/rješenje o imenovanju članova tima za razvoj strategije u kojoj su i OCD predstavnici, izvod iz metodologije razvoja strategije i slično);
- kopija Strategije za mlade/Omladinske politike **u elektronskom obliku**;
- tekst javnog poziva u kojem su naznačene oblasti za finansiranje projekata omladinskih organizacija;
- kopija Odluke/Rješenja o imenovanju komisije za mlade;
- Zapisnici /zabilješke sa 3 zadnja sastanka komisije;
- kopija Odluke/Rješenje o imenovanju komisije za ravnopravnost spolova;
- zapisnici /zabilješke sa 3 zadnja sastanka komisije;

NAPOMENE:

Osim dokumentacije koja je navedena u Sekciji 6, budite slobodni priložiti i ostale dokumente za koje smatrate da mogu ići u prilog vašoj prijavi.